

TE HEHEURAA API

I neia i te piha neneiraa Univereti i Roto Miti i Utah no te Ekalesia a Iesu Mesia i te Feia Mo'a i te Mau Mahana Hopea Nei i Papeete, Tahiti, i te mau fenua Sotaiete, i te mau avae atoa.

Nu. 3

Mati, 1918

Mat. 12

E tae mai oia i te ao nei ia faaora i to'na ra mau taata, e rave oia i nia iho ia'na i te mau hara o te faaroo i to'na ra i'oa; o te feia ia e roaa ia ratou i te ora mure ore, e ore e taea te ora ia vetahi ê mau taata.—Alama 11:40.

TE PEAPEA.

Aita'tu ia tau peapea i itea i te ao atoa nei mai te matamua mai â mai i teie nei te huru; ua hau i te ri'ari'a, ua hau i te pohe, ua hau i te tao'a i pau, ua hau i te feia i atihia'i. E iva milioni tiahapa taata i taparahi-pohe-roahia, e rave rahi te bilioni te moni i haamouhia, e rave rahi te milioni taata aita i navai ta ratou maa ia amu, aita rea te taata i roto i te ao atoa nei i ore i roohia mai i te peapea no teie nei tama'i rahi i tama'ima'i ai e piti ahuru ma pae basileia rarahi no te ao nei. Ua verohia te mau ihe auahi atoa a te tiaa rahi demoni huru rau e faamehameha i te aau e e faarahi roa'tu i te taata i pohe roa i te pupuhi, i te 'o'e patia, i te auahi ura, i te mata'i taero, i te pohe miti, e i vetahi atu â mau peu riaria haapohe taata ra. Te vai atoa nei â hoi to tatou mau peapea rii, te peapea no te ma'i, no te moni ore, e no te mau hinaaro aau e rave rahi i ore i haamahahia ra. Auê te rahiraa o te peapea i roto i te ao nei i teie nei anotau hopea! Ua au ia i te mou'a rahi tei-tei roa e tapere maira i nia iho i to te ao atoa nei.

Ua faaite-atea-hia maira tatou e te mau peropheta e rave rahi mai tahito mai â e tae roa mai ia Iosepha Semita, e e riro te mau mahana hopea nei ei mau mahana peapea rahi, e huri-tumu-hia, i te mau mea'toa nei. "E tupu te ati rahi i taua anotau hopea nei." 2 Tim. 3:1-5.

"No te iteraa Vau o te Fatu i te ati rahi e tupu i nia i te taata o te ao nei ua tiaoro maira Vau i tau tavini ia Iosepha Temita" * * * "Te fatata mai nei râ e afai-ê-hia'i te hau i te ao nei, e mana'i hoi te Diabolo i to'na iho nei hau." B. F. 1:16, 17, 35. B. F. S. 1:4, 6.

"E hope roa hoi taua mau basileia ra i te parari e e pau." Dan. 2:34, 35, 44, 45.

Mai te mea aita to tatou aau i faaineinehia ei farii e ei faaoromai i teie nei mau ati, no tatou iho â te hape, no te mea ua faaara-pinepine-hia tatou e te mau tavini a te Atua.

E rave rahi te uiraa e tupu i roto i te aau ia feruri tatou i te tumu e roohia mai ai te taata i te peapea e ta te taata nei faufaa e noaa no roto mai i ta'na ra mau ati; mai teie te huru te tahi uiraa:

Eaha te mea e ore te Atua Mana Hope ra e faaore roa i te peapea, ia hau to te ao atoa nei? A feruri rii tatou i teie nei uiraa. E piti noa iho paha ravea tei mua i te Atua e faaorehia'i te peapea i te ao nei; tera te tahi ra: Ia faaore roa oia i te tiamâ no te taata e haavî roa i to'na ra aau ia riro oia mai te tîti te huru aita e tia ia rave i te tahi mea iti noa iho maori râ ua faauehia ia rave. O ta Satani ia ravea faaora i tuu i mua i te aro o te Atua i roto i te Apooraa Rahi no to te ra'i hou teie nei ao. O ta te Purutia hoi ia ravea ia upootia ratou i nia i to te ao i teie nei anotaupapea hopea nei. Aita roa ia ravea i au i te opuaraa paari faahiahia rahi a te Atua o tei hinaaro ia riro te taata'toa mai Ia'na iho atoa nei i te huru, eiaha i te mea ua faahepohia, no te hinaaro mau râ. Mat. 5:48.

Tera hoi te piti ra: Ia faatia Oia i te taata i nia i te

fenua nei ei taata tiamâ e tia ia rave i ta'na e hinaaro ra, mai te haapii atu ia'na i te ravea e parahi ai oia i pihai iho i to'na ra mau taata tupu i roto i teie nei ao mai te hau e te peapea ore, a ho'i faahou atu ai i ò te Atua i te ao a muri atu. Ua au ia ravea i te Atua e ua na reira. Oia. Ua haapii maira Oia i ta'na Evanelia o tei poroi i te taata ia faahahau ê atu i te hora e faarue ê atu i tei ore i au i te tino e te Varua e e tapea maite i te mau mea'toa tei au i te parau tia. 1 Thes. 5:21. Ua na reira ia te Atua i te tamataraa i te faaore roa i te peapea i roto i teie nei ao. Ua parau maira hoi Oia: "Hinaaro oe i to Atua ia Iehova ma to aaui atoa e ma to Varua atoa, e ma to Varua atoa, e ma to mana'o atoa; E aroha'tu oe i to taata-tupu mai to aroha ia oe iho na." Ahiri ua haapao te taata i te reira, ua ore roa ia peapea. O vai râ te taata e haapao? Aita rea, E iti hoi te taata e haapao noa'tu i ta'na taatatupu. Ua imi râ te tiaa rahi taata i te ravea huru rau ia tia ta ratou iho ana'e, eiaha, i ta vetahi ê atoa ra. E hinaaro tia ore ta te tahi, e ua onono mai ia noaa i tei tia ore ra, e no reira te peapea i tupu ai i ropu i te taata parau-tia e te taata parau-tia ore; Na reira hoi e tupu te peapea i ropu i te hau manahune e te hau arii mateata. Eita ia peapea e ore roa'i e tae noa'tu ua riro te taata'toa ei feia parau-tia e aroha'tu ai i te taatatupu e e faaherehere atu ai i ta'na. E no reira, mana hope noa'tu Ta'na aita paha i manaa i te Atua ia faaore roa i te peapea i te ao nei, maori râ ua na mua te taata i te haapii i te auraro na roto i to ratou mau pohe mai ta Iesu ra. (Heb. 5:8. A hi'o i te Bibilia Katolika. O te iritiraa tia"e te reira.)

Mai te mea ra e vai noa â te peapea i roto i te ao nei, e nahea tatou? Hoê noa iho pahonora e au ai, ia haapao tatou i te mea tia e tia'i. Ore noa'tu to te ao nei, ia haapao râ tatou i tei tia e faahahau ê atu i tei tia ore ra. Ios. 24:15. Ia farii hoi tatou i te peapea ma te faaoromai e te omumu ore e tia'i.

Tera te piti o te uiraa ta tatou e feruri rii nei: Eaha ta te taata nei faufaa e roaa mai nā roto i ta'na mau ati e te mau peapea o teie nei ao? Ia fafa te rima i te auri veavea ua itea e pohe to reira e ua unuhi mai; ia amu i te i'a taero e te maa pê ua mauui te tino e ua ore e na reira faahou.

Ia tere i tua mai te ore i faaau maite i te maa, te pape e te tauhaa no te tere, e ua roohia e te mania e aore râ i te vero huri, ua tatarahapa e ua opua e haamana'o maite hou e tere faahou ai. Ia faairia tumu ore atu i te tahi, ua riri-hia mai, e ia aueue tatou i te hape, o te ino e te peapea tei ootihia mai. E tumu to te mau peapea'toa; a faaore i te tumu e ua ore ia peapea. E orometua te ati e te peapea e faaho'i mai ia tatou i te e'atea no te hape ore.

Mai te mea ua hi'o tatou i to tatou iho huru mau ua itea-papu-hia e i te tau i manuia roa'i to tatou mau opuaraa, i rahi ai ta tatou moni, e i peapea-ore-hia'i to tatou mau raveraa, o te moeraa ia o te Atua e ta'na mau parau ia tatou nei, e te haereraa ia o to tatou mana'o i te teitei e te au ore i te a'oraa mai o te feia paari. O te huru mau ia no te taata. Ia haamaitaihia oia e te Atua ua moe te Atua ia'na, e ia tairihia oia i te ati e te peapea ua fariu to'na ra aau Ia'na ei tiaturiraa. Te faahaehaa nei te peapea i te mana'o teitei no te taata. E auahi tamâ ia te peapea e faa-ore i te teoteo no te aau. E raau tamârû aau maitai roa ia te peapea.

No te taero i roto i te tino ua parauhia ua pohe te taata i te ma'i. Ia inu oia i te raau taero e au ua faaorehia te ma'i taero e ua ora; e raau taero hoi te peapea, e ora râ tei roto ra. Ahiri aita te taata e roohia mai i te peapea e hau ê paha to'na teoteo, e to'na faahaaha, e te etaeta no to'na ra aau. No reira e mea maitai ia te peapea no te taata ei faaore i te reira. I te tau ati e te peapea rahi e haa-

UA TAE TE MAU FAEHAU TAMARII TAHITI I
TE OIRE I ROTO MITI I UTAHA.

Parau Faaite teie i te huru o to matou, to te mau faehau tamarii Tahiti, farii-raa-hia mai i te oire rahi e te nehenehe i te fenua ra i Amarika, o Roto Miti ia, te pu rahi no te Ekalesia Moromona.

Ua faaroo pinepine matou i te i'oa o te oire ra, o Roto Miti, e te nehenehe to reira a parahi ai matou i to matou fenua a'ia i Tahiti, aita râ i mana'ohia e parau mau te reira parau, e ua faaroo atoa matou e, e feia roo ino to te Moromona ra, e ua fariihia e matou nei i taua parau no to ratou roo ino a parahi ai matou i Tahiti. I teie nei râ e ore roa e nehenehe ia matou i te mau faehau tamarii Tahiti, ia faaaui i to matou mauruuru ma te popou rahi i to matou mau aau, no te hamani maitai mai ia matou i to matou taeraa i roto i te oire i Roto Miti i Utaha ra. E taua roo ino ta matou i faaroo tei parauhia i nia i te Moromona, e ere ia te parau mau. Ua ite râ matou e, e feia roo maitai rahi e te aroha mau. Te mau parau ino tei parauhia i nia i te Moromona aore roa matou i ite i te reira i Roto Miti, ua ite râ matou i te mau mea maitatai ana'e.

E maha ahuru e ma piti faehau tamarii Tahiti matou o tei tae i Roto Miti. A parahi noa ai matou i roto i te pereoo auahi, ite ihora matou na orometua toopiti i te haereraa mai e farerei ia matou, o Farani Fumela raua Caratone ia. I te reira taime ihora, pii maira raua ia matou e; Ia ora na outou e te mau aito rahi no Tahiti e. I reira, putapu ihora to matou mau mafatu i te oaoa ma te popou rahi i te faaroora i te hoê re'o no to matou fenua hui tupuna ra. Parau faahou maira raua, e homa e te tumu maua i tae mai ai i rotopu ia outou na e, e haere mai ia tii ia outou ia haere

tatou atoa i roto i to matou oire tei parauhia Roto Miti. Tupu i hora to matou mauruuru i taua tapao aroha ia matou. E inaha tae atura matou i taua oire rahi ra, pou atura matou i raro, faaarataihia atura matou i nia i te pereoo uira i te hoê fare tapaeraa o tei parauhia ra Hotela Perry. E i te hora iva ia i te pô i taua taime ra, haere atura te mau faehau e hopu i te pape mahanahana au maitai. E i muri iho ra tupu i te vareî tatao, haere atura matou e taoto ai i roto i te mau roi maru maitai e te nehenehe hoi. E no te rahi hoi i te maitai i te mau roi aore te hoê pae o matou i ara i te hora ono i te poipoi, ua taoto noa ra e tae noa'tura i te hora vau. No te maoro o to ratou taotoraa i taua poipoi ra haere atura matou e faaara ia ratou ra i te mea e, te mana'o ra matou e ua pohe ratou, pahono maira te tahi pae e, aita matou i pohe, ua mana'o râ matou e tei roto matou i te ata, i te mea e a piti a'enei matahiti e hitu avae i te moe raa te roi mai te reira te maitai, e aita paha e itea-faahou-hia i te reira huru.

Faanehenehe i hora te mau faehau no te haere e tamaa i te hora iva i te poipoi, i reira tae maira te mau orometua, ui maira ratou e ua nehenehe anei outou, parau atura matou, E, ua nehenehe roa matou, parau maira ratou ia matou, a pee mai ia matou, arataihia atura matou i roto i te hoê fare tamaaraa rahi. Ua tamaa maitai matou e paea atura. I te hora ahuru tae maira te mau pereoo uira e tii mai ia matou, afaihia'tura matou e haamataitai i roto i te oire taatoa o taua fenua ra. E oire nehenehe mau i Roto Miti. Ua ite mata matou i taua hiero rahi e te nehenehe, aita râ matou i tae i roto. E mea aano roa te mau purumu pereoo e te mau fare i reira e mea nehenehe ana'e. E tae i te hora hoê ahuru e ma piti, haere atura matou atoa i roto i te fare pureraa menemene no te Moromona i Roto Miti mataitai ai i te hoê haramonia rahi to roto ra. Ua maere rahi matou atoa i te navenaveraa i te faataeraa i taua haramonia rahi ra. Te vai

mau nei te hoê ravea i roto i taua haramonia ra ia faataehia e au tia mau ia i te re'o taata. Te tia ra matou i te tahi hopea o taua fare menemene ra, e te haamairihia ra i raro te hoê pine i te tahi hopea, e inaha, ua faaroohia e matou i te pinairaa o taua pine ra. Ua maere matou i te reira i te mea e, e ere ia te pinairaa rahi te mairiraa te pine i raro, e mea roa roa atoa taua fare menemene ra. E mai i reira haere atura matou i roto i te hoê aua rahi; mai te mea ra e, e ururaa ia, o tei parauhia e, "Park," i reira tamaa faahou matou e paea roa atura, i muri a'era himene noa'tura matou i te mau himene no te a'ia. Haere atura te tahi tau orometua e tii i te anani e te apara, afai maira, ei reira parau maira ratou ia matou e, teie maa, na outou ia ei tamaaraa i nia i te pereoo auahi.

E tae i te hora piti arataihia'tura matou i nia i te pereoo auahi, i te reira taima ihora parau maira ratou ia matou e, aue i te mauruuru rahi e, i te farereiraa ia outou; pahono atura matou ia ratou ra e, o tatou atoa o tei mauruuru, aita râ matou i ite e nahea ta matou mau haamauruururaa'tu ia outou na no ta outou mau hamani maitai faito ore ia matou, no reira te mau nei te aau i te taa-ê-raa ia outou na. Atira noa'tu ra tei te Atua ia te tia.

A tere atu ai matou na nia te pereoo auahi mai Roto Miti atu i San Francisco, feruri ihora matou i te mau mea nehehehe e te maitai rahi i iteahia e matou i roto i taua oire pu rahi no te feia hamani maitai ia matou oia hoi to Roto Miti.

Mai i reira e tae noa i teie nei â mahana aita i ore i te haamana'oraa i to matou taeraa i te oire i Roto Miti i te fenua ra i Utaha.

E mea tia ia matau ia paran atu e, Aue Roto Miti rahi, e te roo maitai no te Moromona ta matou i farerei e.

Papaihia teie nei parau e te mau faehau tamarî Tahiti.

Te Parau Niuniu.

Ua pohe roa te tavana Purutia no Ukrania (Rutia) i te hoê topita.

Ua peapea roa to Purutia no te taparahiraa te Rutia i te tavana Purutia no Ukrania. E eita ore o Purutia te enemi faahou e o Rutia no te au ore o te Ukrania e no te vavahi i te mau e'a turu e te pereoo auahi e no te ati o te Purutia i te Rutia faaapu i Kieu.

Te faaite maira te Baratane e ua au noa te paari e te etaeta o te Amarika i roto i te aroraa, i te hoê niu ofai o tei riro ei ati ri'ari'a roa no Purutia.

I muri a'e i te hoê pupuhiraa fenua e rave rahi na hora e ua faaû tino te Baratane e te Farani i te enemi i te pae Anahoa i Amiens e ua manuia te vahi tei opuahia, e 3 maire te hohonuraa o te vahi i terehia i roto roa mai i te reni o te Purutia, 100 pâ auri tahuiraa to te Hau Amui i roto i tana faaûraa ra, e ua roaa ia ratou e 7000 mauauri, e 100 pupuhi fenua Purutia, ma te haru hoi i na mataeinaa e rave rahi.

Ua parau mai tenerara Amarika ra, o March, e ineine na faehau Amarika e 500,000 e opua'i o Foch i te hoê aroraa rahi faaito ore no te faaoti-oioi-raa i te tama'i.

I roto i te aroraa i Picardie ana'e, e 37,000 Purutia, oia atoa na Raatira faehau e 1000, e na pupuhi fenua e 500 i roaa mai i te Hau Amui i roto i na mahana e toru.

No te ite te Tenerara Purutia ra o Van Hunter i to ratou ati fatata, ua horo oia e to'na nuu ma te faarue mai i te mau pupuhi fenua rarahi, e haapueraa rahi ofai pupuhi e te tahi atu mau ohipa tama'i.

E hōho'a api teie no te hamonia rahi e te pupu hinene atoa i roto i te fare pure minemine i Roto Miti. Ua huru au teie hamonia i te fare ofometua i Papeete i te rāhira. Ua parauhia o te hamonia numera hoe teie i te ao atoa nei.



E hoho'a api teie no te hamonia rahi e te pupu himene atoa i roto i te fare pure minemine i Roto Miti. Ua huru au teie hamonia i te fare orometua i Papeete i te rahiraa Ua parauhia o te hamonia numera hoe teie i te ao atoa nei.

(Tuatiraa)

mana'o te taata i te Atua e e faatitiaifaro i to'na iho hae-
rea. No roto mai hoi i te ati e te peapea e roaa mai i te
taata te haehaa, te mārû, te faaoromai e te aroha taeae, e
na te Atua e horoa mai i te puai e tiavaru ai i te ino no
roto mai i te aau.

E ere ia te peapea i te mea maitai ore roa. E peapea
e teihea ta oe tara? Ua riro ia ei hotu faufaa.

TE TUSIA PUPUHI.

I te tau tahito ua pûpû te taata i te puaa e te manu mai
te pinia mamoe e te uuairao ei tusia taauahi a faafau ai
ratou i to ratou mau faufaa i te Atua, e ei faaiteraa ia'na
ra ua tia ia ratou te haapao i ta'na parau e auraro hoi i
ta'na ra mau ture. Ua hope te reira peu i te tau o te
Mesia ra a pûpû ai Oia ia'na iho ei tusia taraehara no to
te ao atoa nei.

I teie nei tau hopea nei te pûpû nei te taata e rave
rahi te milioni i te tusia tapupuhi ia ore te tiamâ ia mure i
te ao nei e ia faaore-roa-hia te faatitîraa i te taata e te
ofati-noa-raa i te parau i faaau-maite-hia ra; oia hoi, te
haere mai te taata e rave rahi te milioni i te fenua Farane
e pûpû i to ratou iho tino ei tusia i mua i te vaha o te mau
pupuhi rarahi huru rau, e te pape auahi, e te mata'i taero,
e vetahi atu â mau mauhaa tama'i i imihia i teie nei mau
mahana peapea rahi.

O tera ia te tumu i na reira'i ratou ra, oia hoi, ia haa-
mau-maite-hia te tiamâ i roto i te ao atoa nei, ia ore te mau
basileia iti e te parauparau ia haaepeapeahia e te mau ba-
sileia rarahi, e ia ore hoi ia manuïa te mau ravea ino a te
basileia o te Purutia o tei ofati noa i ta'na parau tãpũ
mo'a ra, e o tei ho'i tia i muri i te mau peau tahito faa-
ri'ari'a a te barebaro.

E ore ratou e ere i te utua e au ai.



ae-
te e no
bea

mai ai na i i te to

ve e i te te ne au ro, au

a- au a- te ō a-

A HI'O I TE RO.

E tia ia tatou ia faau i te taata mana'o itoitō i nia i te pape e tahe no nia mai i te mou'a teitei. Aita te pape tahe e faaea, aita e taoto, e tahe haere noa rā ma te itoitō rahi. No to'na pihaaraa mai no roto mai i te ofai e to'na tahehautiutiraa no nia mai i te mou'a ua riro ei mea maaro, ei mea toetoe, e ei pape ora e anaanaea te taata i rohirohi i te veavea ia intū. Oia'toa te taata mana'o itoitō o tei feruri i tera mea i tera mea ma te faaea ore, ua i to'na aau i te mau mana'o apī maitatai e mauruuru ai te feia'toa e paraparau ia'na ra.

Te puroro noa mai nei te parau maitatai no roto mai i ta'na vaha mai te pape tahe e pihaa mai no roto mai i te ofai. Tei roto i ta'na parau te ora e faaitoitohia'i te taata.

E tia 'toa ia tatou ia faaau i te taata mana'o oruirui i nia i te pape vari e maoro i te vairaa i te vahi hoê e tae noa'tu ua tupu te hau'a ino; e ohipa ê te taata i te reira no te mea e pohe to roto ra.

Aita te taata e mauruuru ia paraparau i te taata mana'o oruirui, no te mea aita e faaitoitōraa i roto i ta'na parau, aita hoi e faararaa, aita e faaarearearaa, aita e tahi mea e e tahi mea, e faataotōraa ana'e rā, e oreraa, e faahaumaniraa, tirara'tu ai. E ore te taata mana'o itoitō e imi i te reira huru taata ei hoa, e vaaihohia rā ia pohe i roto i to'na iho taoto. Teihea tatou i te tiaraa?

Ua au anei to tatou huru i te pape tahe, e aore rā i te pape vari i maorōraa i te vairaa i te vahi hoê nei? Mas. 6:6-11.

Farani Tuterera.

TŌAE A MAERĒ, Faaau Parau, Rue Dumont d'Urville, Orovinī, Papeete, Tahiti.
ERNEST C. ROSSITĒR, Imprimeur, Rue Brea et de la rue Damont d'Urville, Papeete, Tahiti.